

Zeitschrift: Archäologie Graubünden. Sonderheft
Herausgeber: Archäologischer Dienst Graubünden
Band: 5 (2016)
Heft: 1

Artikel: Cazis, Cresta : die Keramik. Text
Autor: Murbach-Wende, Ina / Zanco, Angela
Kapitel: Resumaziun
DOI: <https://doi.org/10.5169/seals-871056>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 20.08.2025

ETH-Bibliothek Zürich, E-Periodica, <https://www.e-periodica.ch>

Resumaziun

La collina Cresta è situada en la vischnanca da Cazas al pe da la Mantogna en Tumleastrga en il Grischun. Ella era populada durant il temp da bronz e da fier. Il selvicultur circuital Walo Burkart (1887–1952) ha scuvri il lieu da chat l'onn 1942. En connex cun las emprimas exchavaziuns fatgas ils onns 1943/44 ha el documentà mirs e fuainas da pliras fasas d'occupaziun dal temp da bronz tardiv. Burkart ha svelt realisà ch'i sa tracta qua d'in lieu d'abitadi d'impurtanza speziala. El ha pudì persvader Emil Vogt (1906–1974), da quellas uras conservatur per preistoria ed istoria tempriva e pli tard directur dal museum naziunal svizzer, da canticuar cun las exchavaziuns sin la collina Cresta. Sut sia direcziun ha il museum naziunal svizzer fatg quai en 13 campagnas dals onns 1947 fin 1970. En questas 13 campagnas èn vegnids retschertgads e documentads circa dus terzs da la surfatscha da l'abitadi preistoric.

Las exchavaziuns han già lieu fin stgars sur il funs dal grip en ina sfessa d'ina lunghezza da circa 70 meters, d'ina ladezza da 7 meters e d'ina profunditat da 6 meters. L'uschenumnada sfessa centrala separa la collina en direcziun nord-sid. Ils edifizis d'almain 17 differents vitgs adina puspè renovads e construids in sur l'auter stevan qua en retscha. In ulteriur tagl en il grip (sfessa nord) exista da la vart nord da la collina. Qua èn ils rests d'abitadi vegnids examinads mo parzialmain. A la flanca ost da la collina (champs ost) sa chatta il grip stgars sut il humus. En quest lieu eran avant maunbler main restanzas archeologicas ch'en la sfessa centrala ed en la sfessa nord.

Durant il temp da bronz e da fier èn vegnidas surpostadas en la sfessa centrala ina seria spessa da rasadas da cultura. Quellas han emplenà successivamain la sfessa, fin ch'ella è stada quasi plaina. Grazia a lur posiziun extraordinaria èn ils mirs sitgs dals

edifizis, lur fuainas ed ulteriuras installaziuns vegnidas mantegnididas uschè bain, che la gronda part da las chasas, lur furma, lur dimensiun e lur interiur han pudì vegnir documentads. Ils resultats excepijunałs per l'istoria da la colonisaziun dal Grischun ha René Wyss preschentà en moda cumplessiva l'onn 2000 en ina monografia (Wyss 2002).

Tras la dimensiun impressiunanta da las rasadas da cultura en la sfessa centrala stretga e profunda è er vegnì conservà fitg bain il rument chasan. Ultra dal dumber voluminus d'isegls e d'utensils da bronz, d'oss e da crap èn vegnids chattads er 400 kilograms cheramica da vaschs e circa 2000 kilograms ossa d'animals. L'archeozoologa Petra Plüss ha evaluà ina part dals passa 300 000 fragments d'oss per sclerir las du-mondas davart la cumposiziun e davart l'utilisaziun da l'effectiv dals animals da chasa. Ses resultats èn vegnids publitgads l'onn 2011 (Plüss 2011).

Il tom qua avant maun metta l'accent sin la cheramica da vaschs da Cazas, Cresta dal temp da bronz e da fier. Per mintgina da las 17 fasas d'abitadi en la sfessa centrala è vegnì chattà in grond dumber da fragments da vaschs. En las differentas rasadas d'ina profunditat da 2 fin 6 meters èn vegnidas mantegnididas passa 12 000 stgaglias. Perquai che las restanzas dals abitadis vegls èn adina puspè vegnidas deponidas insanua auter, cur ch'igl èn vegnidas construidas chasas novas, derivan ils chats da las singulas fasas d'abitadi savens d'inventaris maschadads. Per quest motiv èn ils chats da vaschs, che derivan da las fasas d'abitadi definidas sco planum, classifitgads en la lavour qua avant maun en ils orizonts da cheramica KH I fin KH IV. Ils 1252 fragments da vaschs ed ils 16 ulteriurs objects d'arschiglia èn registrads en il catalog tenor l'orizont da cheramica e

tenor la fasa d'abitadi e preschentads sin las paginas illustradas.

En la part nord da la sfessa èsi reussì – grazia ad in'emplenida che separa strictamain ils relicts d'abitadi ils pli vegls dals pli giuvens – da determinar in'unitad da cheramica nun maschadada dal temp da bronz tempriv pli vegl, la quala vegn designada sco KH I. Las fasas d'abitadi ch'èn resumadas en il KH II cuvran la perioda dal temp da bronz tempriv pli giuven. Il KH III cuntegna tant chats dal temp da bronz tempriv pli giuven sco er da quels dal temp mez da bronz. Ina separaziun segira dals chats da las duas epochas n'è betg stada pussaivla pervia da las maschaidas. En il KH IV la finala èn resumads ils vaschs da las rasadas d'abitadi las pli giuvnas. En la rasada sisum hai dà las maschaidas las pli grondas. En il KH IV èn representads vaschs da la perioda dal temp da bronz tardiv giuven fin a la fin dal temp da fier pli vegl. Pitschnas unitads da cheramica da las rasadas il pli sisum cumprovan che la collina Cresta è vegnida visitada suenter interrupziuns pli lungas er durant il temp da fier pli giuven e durant l'epoca romana.

Cun ina seria da 32 datas da ^{14}C ch'èn vegnidas eruidas vi da tocs da charvun e da gratta sin ils vaschs da cheramica han pudì vegnir datadas exactamain las fasas d'abitadi ed uschia er ils orizonts da cheramica dal temp da bronz. Las datas dal temp da bronz tempriv cumprovan il cumenzament da la colonisaziun en il 20. tschientaner a. Cr. Il KH I cuvra la perioda fin enturn l'onn 1800 a. Cr. La seria da datas dal KH II mussa che l'activitat d'abitadi cuntinuescha senza interrupziun fin en il 18. tschientaner a. Cr. Da las fasas d'abitadi dal KH III èn resultadas datas tranter ils onns 1700 e 1200 a. Cr. La gronda sparpagliada cumprova la maschaida da material dal temp da bronz tempriv e dal temp mez da bronz ch'ègia vegnida con-

statada en il spectrum da cheramica. Da las fasas d'abitadi las pli giuvnas che cuvran la perioda dal temp da bronz tardiv fin al temp da fier n'en vegnidas retschertgadas nagnas datas. Il material da quels chats è reunì en il KH IV. Grazia a la cumparegliazuni tipologica da la cheramica dals vaschs cun inventaris bain datads d'abitadis e da fossas è stada pussaivla ina dataziun pli exacta che cun la metoda da ^{14}C .

A maun da la registrazion e da l'analisa qualitativa e quantitativa da l'entir effectiv da vaschs (furma, ornaments, aspects concernent la producziun) sa lascha dissegna il svilup da l'effectiv da vaschs, che vegn designà sco cheramica centralalpina dal temp da bronz, davent dal temp da bronz tempriv fin a la fin dal temp da bronz tardiv. Er dal temp da fier pli vegl datti avunda fragments da vaschs da las rasadas da cultura sisum per descriver l'inventari da vaschella ch'è tipica per quel temp en la regiun.

Ditg pli simpel, la cheramica centralalpina dal temp da bronz po vegnir descritta – a maun dals chats a Cazas, Cresta – sco effectiv da vaschs cun in spectrum definì da furmas e d'ornaments. Cun circa 95 % èn las avnauns la part principala da la vaschella da cheramica sur l'entira perioda. Dal KH I al KH III sa reducescha tut en tut questa procentuala. Tranter las avnauns sa reducescha il dumber da quellas ch'èn ornadas cun borduras envers il dumber da quellas senza ornaments dal KH I al KH III. La part dals vaschs che vegn attribuida a las ulteriuras furmas importa maximalmain 10 %. Ella sa reducescha cintinuadament dal KH I al KH III. Las paraids dals vaschs davantan pli e pli grossas en il decurs dal temp, sco che las mesiraziuns mussan. En connex cun la consistenza da l'arschiglia poi percuter vegnir constatà in augment da supplements grops dal KH I al KH III.

Furmas estras che ston vegnir valitadas sco furmas importadas cumparan en ils KH I e KH II pir singulas. Sco elements da decor èn avant maun quasi senza excepcions ornements plastics (borduras, bots). Sco caratteristicas per il Grischun ston vegnir menziunadas las garniturias cornusas (cornu) vi dals vaschs en il KH I.

Cun l'integrazion pli intensiva d'influenzas dals territoris al nord ed al sid da las Alps a partir dal temp mez da bronz s'extenda marcantamain il spectrum da furmas e d'ornaments en il KH III. Tenor il stadi actual da la perscrutaziun è la cheramica tipica centralalpina derasada en il territori alpin dal Grischun ed en il Tessin. La regiun Val dal Rain-Lai da Constanza, il Tirol dal sid e – da giuditgar tenor paucs chats – er la Vucina ston vegnir designads sco territoris da contact cun outras provinzas da cheramica. Las differenzas formalas envers il territori alpin èn gia qua bler pli grondas.

En quai che reguarda la furma e la concepcion sa distingua la vaschella dal Grischun dal temp da bronz tempriv pli vegl claramain da quella dals territoris cunfinants al sid da las Alps. Vegnir menziunada spezialmain sto percuter la vischinanza formal a la cheramica da la Svizra bassa. A partir dal temp da bronz tempriv pli giuven mussan singulas furmas estras da la cheramica contacts cun territoris pli lunsch davent en il nord (Baviera). Las particularitads central-alpinas restan però mantegnididas sur la fin dal temp da bronz tempriv fin en il temp mez da bronz. La part da la cheramica fina per exemplèl è bler pli pitschna ch'en il territori vischin al nord. A partir dal temp mez da bronz s'augmenta pli e pli il dumber da furmas estras da cheramica, tant dal nord (cultura da fossas sin collinas) sco er dal sid (bronzo medio). Lur part importa la finala en las unitads dal temp da bronz tardiv dal

KH IV tut en tut circa in terz da l'effectiv da cheramica. Qua èn ils vaschs dal nord represchentads il meglier. Sche l'augment dal dumber da furmas estras ha in connex cun l'importanza pli e pli gronda e cun la controlla dal commerzi da transit alpin, cun las minieras (arom) u cun la migrazion da gruppas da persunas, n'è betg sclerì fin ussa.

Dapi il cumenzament dal temp da bronz tardiv vegnan tschiffads contacts intensivs cun la cheramica da Laugen-Melaun en il territori dal Tirol dal sid/Trentino, il territori d'origin da questa grupperia da furmas. La crie caratteristica ed il vasch cun bordura han ina piazza fixa en ils inventaris da vaschella dal temp da bronz tardiv da l'Engiadina e dal Grischun dal nord. Questa colliaziun cun il territori dal Tirol dal sid/Trentino resta fin la fin dal temp da fier pli vegl. Al canon da furmas dal sid vegnan ultra da quai aggiuntads elements characteristics regiunals. Vers la fin dal temp da fier pli vegl cumparan tar la cheramica da vaschs pli e pli furmas ed ornements dal territori da Golasecca (Mesauc, Tessin). Da questa influenza resulta la finala il svilup a la cheramica da Tumein ch'è tipica per il Grischun dal nord.

Nà dal nord vegnan surpigliads durant il temp da bronz tardiv en la Tumleastga ils tips da vaschs characteristics da la cultura da santeris d'urnas da l'Europa centrala. Populars èn vaschs cun culiez da cilinder e cuppas. Las cuppas conicas cun blers ornements ch'en caracteristicas per la cultura da santeris d'urnas na cumparan surprendentamain strusch en l'effectiv da vaschella dal Grischun. L'integrazion da tips da vaschs oriunds dal nord cuntinuescha er en il temp da fier pli vegl. Cuntrari als vaschs da Laugen-Melaun ch'en vegnids furmads al lieu, lascha la qualitat da quests recipients da cheramica supponer l'import nà dal nord da la cultura da Hallstatt dal temp da fier. La

concordanza areguard las furmas ed areguard ils ornamenti (incrustaziun, pictura) è uschè gronda, ch'ina producziun locala u regiunala sto veginr exclusa. Cun la cheramica da Tumein influenzada dal sid durant il temp da fier pli vegl svanescha la vaschella importada nà dal nord. Ils motifs per quai n'en betg enconuschents fin ussa, pudessan però avair in connex cun las relaziuns pli stretgas cun las vals dal sid en consequenza dal commerzi intensiv sur ils pass.

Dal temp da fier pli giuven datti mo paucs fragments da cheramica da la collina Cresta. Il spectrum da furmas dals lieus cun effectivs da chats pli gronds mussa però cleramain che la val dal Rain alpin ed il Grischun dal nord sa cunfineschan ussa marcantamain dals territoris al nord ed al nord-ost. La cheramica caracteristica da Tumein sa sviluppa en il temp da fier pli giuven a l'uschenumnada cheramica da Schneller. Tar quella n'e er il connex cun il sid betg pli visibel en quai che reguarda las furmas ed ils ornamenti dals vaschs.

Per verifitgar la supposiziun ch'i sajan veginids duvrads durant il temp da bronz ed il temp da fier a Cazas tant vaschs producids al lieu u en la regiun sco er vaschs importads, ha la mineraloga Angela Zanco fatg a l'universitat da Friburg FR retschertgas mineralogicas e petrograficas cun 50 stgaglias dals orizonts da cheramica KH I-KH IV. Sin fundament da la consistenza da l'arschiglia han pudì veginr rimmads indizis che sostengnan tant la supposiziun da la producziun locala e regiunala sco er quella dal barat regiunal (martgà?). L'import da territoris pli lontans n'ha betg pudì veginr cumprovà cun las retschertgas mineralogicas e petrograficas. La gruppa da vaschs importads da lunsch sa differenziescha però areguard las

furmas, ils ornamenti e la qualitat da producziun cleramain da la vaschella indigena.

Nadia Caduff Anrig
Servetsch da translaziuns
Chanzlia chantunala dal Grischun

